

Tuzla, 11.03.2024.

Protokol br. KP-I-120/24;

Br. Javnog poziva: 3– FRK - 1/2024

PROGRAM FILANTROPIJE

Poziv organizacijama civilnog društva i neformalnim grupama iz Bosne i Hercegovine - podrška realizaciji kampanja za namicanje sredstava

U partnerstvu sa USAID-om, u okviru programa „Snaga lokalnog“ Fondacija tuzlanske zajednice (FTZ) objavljuje Javni poziv za podršku organizacijama civilnog društva (OCD) i neformalnim grupama građana (NGG) s područja cijele Bosne i Hercegovine (BiH) za realizaciju kampanja za namicanje sredstava.

Kampanje za namicanje sredstava od strane OCD i NGG s područja BiH, trebaju da budu primarno usmjerene prema lokalnim donatorima (pojedincima i preduzećima) s ciljem namicanja sredstava za društveno korisne projekte koje OCD i NGG žele realizovati u zajednicama u kojim djeluju.

Podrška se realizuje kroz projekat FTZ “Naša zajednica je naša odgovornost”, koji ima za cilj da poveća vidljivost filantropskih npora i transparentnost organizacija civilnog društva i filantropskih organizacija u BiH.

Ukupna finansijska vrijednost za podršku realizaciji kampanja za namicanje sredstava u ovom pozivu iznosi 45.000,00 KM.

CILJEVI POZIVA

- Mobilizirati lokalne resurse u rješavanju problema od društvenog interesa;
- Unaprijediti saradnju OCD i NGG sa lokalnim donatorima (pojedincima i biznisima) iz BiH;
- Ojačati kapacitete OCD i NGG za uspješno i transparentno provođenje kampanja za namicanje sredstava u svojim lokalnim zajednicama;

KO MOŽE APLICIRATI?

Aplicirati mogu OCD i NGG iz cijele BiH, koje zadovoljavaju sljedeće osnovne kriterije:

- Žele namicati sredstva za društveno korisni projekat koji će poboljšati uslove življenja u lokalnoj zajednici;
- Imaju već izgrađene odnose sa ljudima u lokalnoj zajednici i značajan krug potencijalnih lokalnih donatora i žele graditi povjerenje s drugim lokalnim donatorima u svojoj zajednici;
- Žele sa drugim OCD u BiH promovisati vrijednosti filantropije kao važnog segmenta za razvoj društva u BiH;
- Spremni su na transparentno i odgovorno upravljanje finansijskim sredstvima dobivenim od FTZ i lokalnih donatora.

Napomena: Neformalne grupe moraju imenovati 3 punoljetne osobe koje će preuzeti punu odgovornost za realizaciju projekta;

PODRŠKA U REALIZACIJI KAMPANJE

- Ukupna vrijednost projekta za koji se namiču sredstva ne može biti manja od 10.000KM
- Fondacija tuzlanske zajednice će obezbijediti podršku u iznosu od min 5.000 do max 10.000 KM (iznos bez PDV-a) u vidu "challenge" granta za realizaciju konkretnog problema ili projekta za koji se kampanjom namiču sredstva.
- Podrška ne može biti veća od 50% ukupne vrijednosti projekta.
- Sredstva mogu biti operativna samo pod uslovom da organizacija kroz kampanju namakne najmanje isto toliko sredstava.
- Aplikanti čije kampanje budu odabrane će dobiti stručnu mentorsku podršku od FTZ tima, kao i besplatno korištenje platforme za grupno finansiranje www.doniraj.ba, te PR savjetovanje tokom realizacije kampanje.
- Aplikanti mogu aplicirati samo sa jednom kampanjom na ovaj poziv (**više u kriterijima**)

ROK ZA PRIJAVU

Poziv za prijem aplikacija otvoren je do 31. marta 2024. godine.

ROK ZA REALIZACIJU:

- Kampanje za namicanje sredstava se trebaju realizovati u vremenu do 90 dana od dana potpisivanja Ugovora sa Fondacijom, a najkasnije do 30.06.2024.
- Rok za realizacija projekta za koji su namaknuta sredstva je 30.09.2024.

ŠTA PODRŽAVAMO?

- Kampanje koje promovišu filantropiju, građanski aktivizam i volonterizam;
- Kampanje u kojima je vidljiva saradnja i podrška lokalnih partnera u zajednici (pojedinaca, preduzeća, udruženja, javnih institucija, vlasti, itd.). Poželjno je da aplikanti dostave potvrdu da će drugi akteri sudjelovati u realizaciju projekta,
- Prednost će se dati kampanjama koje uključuju veći broj građana iz lokalne zajednice u realizaciju projekta za koji se namiču sredstva.
- Kampanje u kojima je za rješavanje konkretnog i prioritetnog problema ili zadovoljenje određene potrebe u zajednici ili ciljnoj grupi neophodno minimum 10.000KM.
- Kampanje koje su usmjerene na rješavanje konkretnog prioritetnog problema ili potrebe u zajednici u sljedećim oblastima:

- OČUVANJE PRIRODE, BRIGA O OKOLIŠU I KLIMI
- KVALITETNO OBRAZOVANJE I CJELOŽIVOTNO UČENJE
- SMANJENJE NEJEDNAKOSTI I LJUDSKA PRAVA;

Projekti mogu biti i iz drugih oblasti, pri čemu projekti iz gore navedenih oblasti imaju prednost.

ŠTA NE PODRŽAVAMO?

- Kampanje koje su usmjerene na prikupljanje sredstava u korist pojedinaca (studijska i profesionalna usavršavanja, stipendije, liječenje, rješavanje stambenog pitanja, razvoj biznisa, humanitarne akcije, itd).
- Kampanje koje su usmjerene na prikupljanje sredstava za fondove, godišnje finansiranje udruženja, otplate dugova, kredita i regranting.
- Kampanje koje su usmjerene na prikupljanje sredstava za projekte koji su već završeni;

- Kampanje koje su usmjereni na prikupljanje sredstava usmjerena u korist djelovanja i promocije političkih i vjerskih institucija, ideologija i praksi.
- Kampanje koje su usmjereni na prikupljanje sredstava usmjerena na infrastrukturne investicije i/ili renoviranja (putevi, zgrade ili drugi objekti, mostovi, postrojenja za pročišćavanje vode i vertikalne strukture kao što su saobraćajna signalizacija, ulična rasvjeta i sl., iskopavanje, korištenja bagera i sličnih mašina); poboljšanje ili struktturnu promjenu postojeće nekretnine kako bi se omogućila njena dalja ili učinkovitija upotreba unutar predviđene svrhe ili uređenje za promjenu namjene, ali **možemo podržati nestruktурне kozmetičke radove koji uključuju bojenje, krečenje, zamjenu podova, zidnih obloga, postavljanje polica, nabavku namještaja, opreme itd.**
- Kampanje koje su usmjereni na prikupljanje sredstava usmjerena na poboljšanja ili nadogradnju mehaničkih, električnih ili drugih građevinskih sistema **ali možemo podržati zamjenu i kupovinu opreme.**
- Kampanje u kojima je za rješavanje konkretnog i prioritetnog problema ili zadovoljenje određene potrebe u zajednici ili ciljnoj grupi **neophodno manje od 10.000KM.**

(više u Kriterijima).

Napomena: Sredstva iz ovog Javnog poziva ne uključuju troškove poreza na dodanu vrijednost, PDV. Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje. Shodno prethodno navedenom, aplikanti su obavezni prilikom popunjavanja budžeta projekta da unose isključivo cijene i vrijednosti robe bez PDV-a u koloni "Potraživanja od FTZ", dok u kolonama koje se odnose na vlastito učešće unose iznose sa PDV-om.

KAKO APPLICIRATI?

Aplicirati možete tako što ćete popuniti obrazac za prijavu i poslati ga na e-mail filantropija@fondacijatz.org. Nakon uvida u projektnu aplikaciju od strane grant tima, aplikant će putem e-maila dobiti potvrdu prijema aplikacije, koji ste dužni u roku od 7 dana dostaviti, potpisani i ovjereni u dva štampana primjerala, na adresu Fondacije: Sead bega Kulovića br. 4 75000 Tuzla.

Ukoliko vam je potrebna podrška prilikom razrade ideje i/ili ispunjavanja aplikacije možete se obratiti na e-mail filantropija@fondacijatz.org sa naznakom "Poziv-kampanje" ili direktno na brojeve telefona 035 368-387 i 061 209 458. Kontakt osobe ispred Fondacije tuzlanske zajednice su Tarik Baraković i Andrijana Čajić.

Formalno pravne organizacije uz aplikaciju su obavezne dostaviti:

- rješenje o registraciji - samo za aplikante koji prvi puta apliciraju Fondaciji (kopija),
- statut organizacije - samo za aplikante koji prvi puta apliciraju Fondaciji (kopija),
- finansijski izvještaj za prethodnu godinu (bilans stanja i bilans uspjeha-kopija),
- dokaz o otvorenom žiro računu u banci (kopija), i
- izjavu/e o partnerstvu, ako se radi o partnerskim projektima.

Finansijska podrška neće biti dodijeljena za aplikacije koje su nepotpune, kao ni onima koji pristignu nakon navedenog roka ili ne budu dostavljeni na prethodno navedeni način, kao i onima koji dostave prijave na neodgovarajućim obrascima.



Ismet Sokoljanin

direktor odjela za filantropiju i partnerstva
Fondacija tuzlanske zajednice